



Vschinauncha da S-chanf
7525 S-chanf



ENGADIN
St. Moritz

Da la suprastanza cumünela

Persunel

Sün la publicaziun da la piazza libra sun entredas duos annunzchas. Zieva cha'l respunsabel pels giarsuns ho gieü la pussibilted da lavurer cun tuot duos interessents, fo el insembel cul silvicultur la proposta da tscherner a Flavio Moreira. La suprastanza cumünela decida unanimamaing da tscherner a Flavio Moreira scu nouv giarsun bos-cher tar l'uffizi forestel. El cumainza sieu giarsunedi ils 1. avuost 2017.

Plazzas da parker

Per avair meglder uorden süllas vias da la vschinauncha e motiver a la populaziun da trer a nüz ils parkegis cumünels, vuless il depüto dal decasteri trafic lascher parker düraunt ün temp da prouva gratuitamaing ils autos sün tels. Unanimamaing decida la suprastanza cumünela da deliberer ils parkegis cumünels da l'oblig da pajer üna taxa a partir dals 22 favrer 2017 fin ils 2 lügl 2017. Tenor calculaziun es da fer quint cun arduond fr. 800.00 – fr. 1'000.00 damain entredas. Zieva quist temp da prouva decida la suprastanza scha's voul s-chaffir in futur parkegis gratuits. Düraunt il temp da prouva dess perzieva gnir executo dapü il servezzan d'uorden tres la firma Securitas AG. Il parkegi Prasüras nun es pertucho da quista decisiun.

Revaisa uorden da god

In sia tschanteda dals 25.01.2017 ho la suprastanza cumünela repasso la proposta da la cumischiun per la revaisa tschantamaints, ledschas ed uordens in üna prüma lectüra. Zieva avair repasso aunch'üna vouta l'uorden decida la suprastanza da sustgnair la proposta d'abolir tel, siand cha las ledschas superiuras descrivan üna granda part dals artichels. Per ils pochs affers na descrits in ledschas superiuras vain elavuro ün regulativ.

Revaisa ledscha da chamagna, pasculs ed alps

Eir la ledscha da champagna, pasculs ed alps vain repassada per üna seguonda lectüra. Zieva animeda discussiun decida la suprastanza da sustgnair la proposta da la cumischiun per la revaisa tschantamaints, ledschas ed uordens.

Contrat administraziun da datas da planisaziun d'utilisaziun

Tenor las ledschas federelas e chantunelas d'infuormaziuns geomaticas sun las vschinaunchas respunsablas per la relevaziun, la cumplettaziun e l'administraziun da las datas digitelas da la planisaziun d'utilisaziun. La suprastanza cumünela decida unanimamaing d'incumbenzer cun quista lavur al büro chi fo la planisaziun cumünela Stauffer & Studach AG da Cuira. Impü deliberescha la suprastanza eir il credit bsögnaivel da fr. 2'000.00 per l'immigraziun da las datas existentas.

Ospidel d'Engiadin'Ota, procedura da cooperaziun

La cumischiun da l'Ospidel Engiadin'Ota propuona a las vschinaunchas d'Engiadin'Ota da transferir l'ospidel in üna fundaziun da dret privat. Düraunt il temp da la procedura da cooperaziun haun las vschinaunchas da l'Engiadin'Ota temp da piglier pusiziun. Davart da la suprastanza cumünela nu do que üngüna objecziun.

Trafic public, procedura da cooperaziun dals novs statüts

In connex culla reorganisaziun da las regiuns per la fin da l'an 2017 vain organisato il trafic public in üna uniun d'interess. Per quella sun gnies elavuros novs statüts. Davart da la suprastanza cumünela nu vegnan fattas üngüna remarchas.

Permiss d'ustaria

La suprastanza ho concess seguaints permiss d'ustaria:

- Angelini Ramon, Restorant Staila
- Gruppa da gö Staila, restoraziun da Chalandamarz

Surdeda da lavuors

Lavuors da preparaziun per la rait da fibra da vaider

- Firma Repower, Poschiavo e firma Innovertias GmbH, Wettswil a.A. (offertas tenor procedura a maun liber)

S-chanf, 28.02.2017

La suprastanza cumünela